



Inatsisartunut ilaasortaq  
Bent B. Kristensen, Inuit Ataqtigiit

**§ 37 naapertorlugu isarussanut tapiissuteqartarneq pillugu apeqqummut nr. 2017-088-imut akissut**

Aallaqqaasiutigalugu Inatsisartut Suleriaasianni § 37 naapertorlugu peqqinnissaqarfiup isarussanut il.il. tapiissuteqartarnera pillugu apeqquteqaravit qutsavigerusuppakkit. Tamanna pillugu akissut imaappoq.

**1. Isarussanut sakkortussuseq aalajangersimasoq anguneqaraangat isarussat peqqinnissaqarfiup akilersulertarai ilisimavarput. Peqqinnissaqarfiup aningaasakilliorneranik peqquteqarnerpa sakkortussutsip killingata qaffanneqarsimanera?**

Peqqinnissaqarfiup isarussanut tapiissuteqartarnera Peqqinnissaqarfimmi sullissinerit atuisullu akiliuteqartarnerat pillugit Namminersornerullutik Oqartussat nalunaarutaat nr. 5, 15. februar 2006-imeersumi § 14-16 malittarisassiuunneqarpoq. Tassunga tunngatillugu tapiissuseqartarnermi isarussat isitaasa sakkortussusissaannut piunasaqaatit allanngortinneqanngillat, malittarisassalli atuuttut erseqqissarneqaannarput.

Pingasunut tunngatillugu isarussat isaannut peqqinnissaqarfimmit tapiissutinik pisoqarsinnaavoq

- a. Pilataanerup kingunerisaanik nakorsamit innersuussutigineqarsimappata
- b. Suliarinninnikkut paasisaqarnerup kingorna nakorsamit innersuussutigineqarsimappata  
Tassunga makkua ilaapput:
  - i. Isip ameraasaani, isip ameraasaani qaamasumi imaluunniit uisorersaataani nappaateqartoqarpat
  - ii. Isip tappiutaani nappaateqartoqarpat
  - iii. Nakunganermut isi assiaquserlugu katsorsaaneruppat aamma isigisinnaassusermik sungiusaqqinneruppat.
  - iv. Qulaani eqqaaneqartunut assingusunik allatigut isikkut nappaateqartoqarpat
- c. Nakorsamit innersuussutigineqarsimanngippata, isip aappaa imaluunniit isit tamarmik -7 ataallugu imaluunniit +7 sinnerlugu sakkortussusilimmik isigisinnaassuseqarpat.

Maluginiaqquneqarpoq peqqinnissaqarfik isarussat sinaakkutaannut tapiissuteqarneq ajormat, taamaallaalli isarussat isitaannut, kiisalu siullermeertumik pissarsinermi tamatigut tapiissuteqartoqartarmat. Pissarseqqinnermi aatsaat isigisap sakkortussusia minnerpaamik 0,5-imik allanngorsimagaangat tapiissuteqartoqartarpoq

**2. Isarussat sakkortussusaasa killigititaat tamanut assigiimmik atortinneqarpa sulisinnaassuseqartuugaanni utoqqalinersialiugaanni sulisinnaajunnaarnersialiugaanniluunniit?**

06-03-2017  
Suliap normua  
2017-3715  
All. nr. 4671248

Postboks 1160  
Oqa: 34 50 00  
Fax: 34 55 05  
3900 Nuuk  
Email: pn@nanoq.gl  
www.naalakkersuisut.gl

Akissarsialiuneq, utoqqalinersiuteqartuuneq imaluunniit siusinaartumik sulisinnaajunnaarnersiutuliuneq apeqqutaatinnagu peqqinnissaqarfimmit isarussat isitaannut tapiissutinik pissarsisoqarsinnaavoq. Malittarisassat innuttaasunut tamanut isertitatut tunngaviusut apeqqutaatinnagit atuupput.

**3. Utoqqalinersialinnut sulisinnaajunnaarnersialinnullu isarussanut tapiissuteqartarnerup oqilisaavigineqarsinnaanera periarfissiorniarlugu suliniuteqartoqanngila?**

Utoqqalinersiaqarneq pillugu Inatsimmi § 16 malillugu, peqqissutsikkut pisariaqartitat malitsigisaanik annertuumik aningaasartuuteqarnermi, isarussanik pissarsiniarneq ilanngullugu taperneqarnissamik periarfissaqarpoq.

Siusinaartumik pensionisiat pillugit inatsimmi § 29 malillugu, inuttut tapit pisuni ataasiakkaani pisariaqartitsinermik taperneqarnissamik periarfissaqarpoq, tassani ilaartigut isarussanik.

**4. Utoqqalinersialinnut sulisinnaajunnaarnersiutilinnullu isarussanut tapiissuteqartarnerup sakkortussuseq 5-mit qummut peqqinnissaqarfimmit tamakkiisumik akilerneqartalissangaluarpa qanoq naleqassangaluarpa?**

Apeqqummut 3-mut akissut innersuussutigineqarpoq.

Taassuma saniatigut Naalakkersuisut utoqqalinersiuteqartut siusinaarlutillu pensionisisartut isaruaasa sakkortussusaanik kisitsisaateqanngillat, taamaattumillu naatorsuineq pisinnaanani

Med venlig hilsen  
Inussiarnersumik inuulluaqqusillunga

  
Agathe Fontain